



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. XV. De ratione dignoscendi hominum ingenia, Terentii locus aliorum
collatione illustratus.

urn:nbn:de:hbz:466:1-13245

*Imparibus numerosa modis canit arte regentis.
Tota, inquit, similitudo est de Tritone, quomodo ille personet
in mari: propter hos versus, qui præcedunt,*

*Nam veluti resonante diu Tritone canoro
Pellit opes collectus aquæ, virtusque movere
Spiritus & longas emugit buccina voces,
Carmineque irriguo &c.*

Hæc, inquam, omnia ad eandem pertinere παραβολὴν, ac similitudine a Tritone desumptam censet. Quorsum igitur ibi theatri mentio & cortinæ? quidve sibi impares modi illi volunt? quanquam non placet mihi Turnebi interpretatio, ad ἡχεῖα scenica hos versus referentis, malim cum Scaligero ad organa hydraulica transferre, quorum fuit in theatris usus. quod sane postulant verba hæc,

*Imparibus numerosa modis canit arte regentis.
Fortassis & Triton eodem loco nihil nisi hydraulici
organum. Sed de his hactenus.*

CAPUT XV.

*De ratione dignoscendi hominum ingenia, Terentii
locus aliorum collatione illustratus.*

Genium & natura cuiusque hominis ex iis certissime perspici potest, quæ in secreto & inobservatus facit, ut si quis alicui domi de improviso superveniat. Hunc igitur modum conjecturæ de hominum moribus capiendæ, scite Comicus in *Heaut. act. 2. Scen. 3.* his versibus tradit:

*Hinc sciri potuit, haud usquam alibi Clinia,
Quo studio vitam, suam te absente exegerit,
Ubi de improviso est interventum mulieri.
Nam ea res dedit existimandi copiam*

Quo-

MISCELL. OBSERV. CAP. XV. 43

Quotidianæ vitæ consuetudinem,

Quæ cujusque ingenium ut sit, declarat maxime.

Texentem telam studioſe ipsam offendimus.

Huic porro similem plane rationem venandi mores hominum videre est apud *Livium* libro I. ubi de Tarquinii in Lucretiam facinore, & valde fallor nisi ad eum locum respexit, quem constat aliorum exemplo multa ex proprio ingenio *historia* sua ad voluptatem legentium, & eruditio-
nis atque eloquentiæ ostentationem præter rerum gestarum fidem inseruisse. Incidit de uxoribus mentio: suam quisque laudare miris modis: inde certamine accenso, *Collatinus* negat verbis opus esse, paucis id quidem horis posse sciri, quantum ceteris præstet *Lucretia* sua. Quin si vigor juventæ inest, con-
scendimus equos, invisiusque præsentes nostrarum ingenia: id cuique spectatissimum sit, quod inopinato viri adventu occurrerit oculis. Et apud eundem lib. 37. *Africanus* cum fratre a-
gens de explorando *Philippi Macedonum Regis* animo: Itaque, inquit, prius Regis animum explorari placet: oppor-
tune explorabitur, si nihil ex præparato agentem opprimet, qui mittetur. Sic quoque dignosci vere fortem virum, ab eo
qui videtur, notat *Philosophus* in tertio *Moral. ad Nicom.*
cap. XI. Διὸ καὶ ἀνδρειότερου δοκεῖ εἶναι, τὸ δὲ τοῖς ἀιφνίδιοις
Φόβοις ἀφοέον καὶ ἀτάραχον εἶναι, οὐ δὲ τοῖς προδήλοις. ἀπὸ
ἔξεως γὰρ μᾶλλον, οὐ καὶ ὅτι ἡττον ἐκ παρασκευῆς. τὰ προφα-
τῆ μὲν γὰρ. κανὸν ἐκ λογισμοῦ καὶ λόγου τις προέλοιτο. τὰ δὲ
ἔξαιφνα κατὰ τὴν ἔξι. i. Ideo etiam fortioris videtur, in im-
provisis terroribus manere intrepidum atque imperturbatum,
quam in apertis. Ex habitu enim id magis provenit, minusque
ex præparatione. Nam quæ providentur, facile aliquis ex con-
sideratione & consilio eligat. quæ repente accidunt, non nisi ex
habitū. Sed & *Lucretius* in tertio, adversus quosdam qui
se se jaſtant minime iis moveri, quæ de inferis post mortem
traduntur, & se scire nullum mortuo superesse neque bo-
num neque malum (quam ipſe opinionem ut Epicureus
de-

defendit) proinde nihil sibi esse opus Epicuri philosophia id eos metus depellendos ; contra hos , inquam , arguit ex iis quæ ipsi faciunt in adversis rebus & gravibus ærumnis . nam nihilo secius vitam quocumque modo retinere volunt , & quidvis perpeti malunt , quam mori ,

Omnibus ærumnis affecti denique vivunt :

Et quocumque tamen miseri venere , parentant ,

Et nigras mactant pecudes , quas manib' divis

Inferias mittunt : multoque in rebus acerbis

Acrius advertunt animos ad religionem .

Quo magis in dubiis homines spectare periclis

Convenit , adversisque in rebus noscere qui sint .

Nam vera voces tum demum pectore ab ipso

Eliciuntur & eripitur persona , manet res .

C A P U T XVI.

Observatio quadam Aristotelis , usurpata Galeno superpresso auctoris nomine .

GAlenus in libello , quem περὶ επιτιμῶν πρὸς λαοὺς τέχνας inscriptis , eos increpans , qui forma & viribus corporis gloriantur , animi autem bona negligunt , Homerum semel tantum Nirei qui inter Græcos forma excelluit , mentionem fecisse notat : Καὶ γὰρ ὁ Νίρευς καλλιστὸς μὲν αὐγῆς στόδο Γλιον ἡλθεν , ἀλλ' ἀλλαπαδνὸς ἔην . Ικαὶ διὰ τοῦτο ἀπαξ αὐτῷ μόνον ἐμνημόνευσεν Οὐμης οὐ νέων Καταλόγῳ . i. Etenim Nireus vir quidem pulcherrimus ad Ilium venit , verum ignavus erat , atque idecirco semel tantum Homerus ejus mentionem fecit . Atqui Aristoteles multis ante seculis , quam Galenus natus esset , hoc animadverterat : ut videre est in tertio libro

Rhetor .